

Tavau ed ABB: Partenadi per ina mobilitad durabla

Tavau ed ABB preschentan in sistem da traffic integral e durabel per il FEM 2018

DA MARTIN CABALZAR

■ **Al FEM a Tavau s'inscuntran schefs da stadi per discutir strategias per in futur cuminaivel en in mund fragmentà. Per l'emprima giada pon ils participants dal FEM far quest onn enconuschientscha cun in sistem da traffic integral e durabel. En quest connex è il FEM ina plattform singulara per cuntanscher e colliar exponents d'economia e politica.** En cooperaziun cun l'interpresa da tecnologia ABB installa la citad d'energia da Tavau a l'occaziun dal FEM da quest onn che ha lieu dals 23 fin ils 26 da schaner in'infrastructura speziala tant per il traffic public sco per il traffic privat. Questa infrastructura fa part dad in sistem integral che cumiglia il sistem electronic gia existent da la viafier e da las pendicularas da la regiun sco era la rait da l'ovra idraulica locala.

Project bus da pilot

Sco punct culminant vign demonstrada la novissima tecnologia innovativa da chargiar bus electric ch'è vegnida onurada cun il Premi Watt d'Or 2018. Cun questas staziuns da chargiada san las baterias dals bus electric vegnir chargiadas entaifer 20 secundas. Quai correspunda dal rest al temp che vegn impundì per laschar entrar e sortir ils passaschiers.

Cun ses «project da bus da pilot» durant il FEM 2018 cuntinueschan ils manaschis technics da la vischnanca da Tavau cun lur prestaziuns da pionier intradadas gia l'onn 1999. Cur ch'ils manaschis da transports publics da Tavau han transfurmà lezza giada il tancadi usità en

in tancadi da diesel senza zulper e cumenzà ad equipar ils bus cun in sistem da purificaziun da svapur gievi cunzunt per reducir las emissiuns nuschaivlas sco pulvra fina, monoxid carbonic ed idrocarbon. L'onn 2007 han ils manaschis da transport da Tavau fatg in ulteriur pass cun introducir in sistem da tractament da gas SCR per la flotta da bus. Quest sistem reducescha ultra da las substanzas nuschaivlas numnadas er anc ils oxids da nitrogen.

Otg staziuns da chargiar per privats

Per garantir la circulaziun da vehichels electric privats èn vegnidas installadas da nov otg staziuns da chargiada sperta. Questas staziuns lubeschan da chargiar las baterias en be 12 minutas sin 80 per schient. Plinavant èn previdas ulteriuras staziuns da chargiada en la regiun uschia èn gia vegnidas installadas duas staziuns novas dad ABB a Cuvlignas/Küblis.

Sco citad la pli aut situada en Europa documentescha Tavau ch'ella è abla da garantir a moda fidada e cumprovada l'electromobilitad era tar cundiziuns d'aura criva e cun temperaturas extremas.

In'interpresa dominante

ABB (ABBN: SIX Swiss Ex) è in'interpresa da tecnologia dominante sin il sector da products d'electrificaziun, robotica e tracziun, automatisaziun industrial e raits d'energia cun clientella che deriva da la sparta dal provediment d'energia, da l'industria da transport e da l'infrastructura. Sa basond sin ina tradiziun da passa 130 onns furma ABB oz l'avegnir da la digitalisaziun industrial, promo-

vend uschia la vieuta d'energia e la quarta revoluziun industrial. Cun l'intent da contribuir ad in avegnir durabel e persistent sposta ABB sco partenari principal da la formula FIA E da sport da concorrenza ils cunfins da l'electromobilitad. L'interpresa è engaschada en passa 100 pajais ed occupa actualmain radund 136 000 persunas.

www.abb.com

Ina da las pli grondas destinaziuns turisticas da las Alps

Tavau è la citad la pli aut situada en Europa ed en il medem mument ina da las pli grondas destinaziuns turisticas da las Alps. Tavau dumbra radund 13 000 abitants cun domicil permanent e registrescha passa dus milliuns pernottaziuns ad onn. Cun 284 km² tutga Tavau tar las vischnancas cun la pli gronda surfatscha da la Svizra. Il Tavau modern sa distingua

cunzunt sco lieu da sport e congress. Tschintg instituts da perscrutaziun fan da Tavau dentant er in impurtant lieu da scolaziun e furmaziun.

Dapi 2001 è Tavau ina citad d'energia. Citads d'energia promovan energias regenerablas, la mobilitad cumpatibla cun l'ambient ed il niz effizient da las resuras.

www.gemeindedavos.ch



In project da pilot per Tavau: Per l'emprima giada circulescha quest bus electric sin las vias da Tavau durant il FEM.